



AKTUELNOSTI

ZAŠTITA OD NASILJA U DISTRIKTU BRČKO

Kampanja „16 dana aktivizma protiv rodno zasnovanog nasilja“ (Brčko, 4.12.2023. godine)

U okviru kampanje „16 dana aktivizma protiv rodno zasnovanog nasilja“, koja se obilježava svake godine u periodu od 25. novembra do 10. decembra, u Brčkom je 1. decembra održan okrugli sto na temu „Institucionalni okvir za ravnopravnost spolova na nivou Brčko distrikta BiH“.

Okupljeni oko istog istog cilja, učesnici događaja iz izvršne, zakonodavne i sudske vlasti razgovarali su o efikasnosti postojećih politika i institucionalnog okvira za ravnopravnost spolova na nivou distrikta Brčko, kao i mogućnostima donošenja novih ili unapređenja postojećih mehanizama za ravnopravnost spolova. Usto, nastavljen je dijalog s predstavnicima civilnog društva o postojećim mjerama, te uspostavljanju i promovisanju novih mehanizama za prevenciju, suzbijanje i zaštitu žena žrtava nasilja, s posebnim osvrtom na žrtve seksualnog uznemiravanja.



Učesnici su diskutovali o jačanju sistema i održivosti mehanizama za postizanje rodne ravnopravnosti, a posebna pažnja posvećena je Akcionom planu za poboljšanje položaja žena i unapređenje rodne ravnopravnosti u Brčko distriktu BiH za period 2021 -2025. godine. Ciljevi i aktivnosti iz Akcionog plana kao i primjena ovog dokumenta u smislu efikasnosti postojećih institucionalnih mehanizama, prevencija i suzbijanje nasilja nad ženama u porodici i zaštita žrtava nasilja primjenom Zakona o zaštiti od nasilja u porodici, s razlogom su bili u fokusu ovog događaja.

S obzirom na nezamjenjivu ulogu u osiguravanju krivične zaštite od nasilja u porodici i nasilja nad ženama, tužiteljica Tužilaštva Brčko distrikta BiH Gordana Radovanović predstavila je pokazatelje rada ovog tužilaštva u prethodnim godinama, ukazavši na neodložnu potrebu uspostavljanja efikasnijih zaštitnih mehanizama za žrtve nasilja. Ona je podsjetila da su inicijative Tužilaštva u pravcu redefiniranja odredbi Zakona o zaštiti od nasilja u porodici i lokalnih koordinacionih mehanizama usmjerene na adekvatniji odgovor kompletnog društva na sve oblike nasilja, uz sagledavanje vlastitih institucionalnih mogućnosti za efikasnijim djelovanjem.

GLAVNI TUŽILAC
ZEKERIJA MUJKANović